

廿二

成化九年
至十三年



國權

癸巳成化九年

正月未平將軍劉聚值花馬池擊斬三級

戊戌巡撫貴州右副都御史秦敬疾去

庚子夜月犯天街下星

壬寅河南按察使宋欽為右僉都御史巡撫貴州

癸卯游擊將軍黃璽叅將神英等擊於漫天崩斬三級

丁未上南郊

鹽官談遷孺木著

戊申太原地震聲如雷

唐成游擊將軍孫銳黃璽及神英等遇劉家塢擊斬五十

級追至井油山據險拒戰三日而走又追至北唐川斬十

九級

壬子錦衣衛越獄

劉聚等還至雙山高家堡入半坡峰敗之追至漫天嶺擒

四人斬百四十級

武靖侯趙輔還自延綏被劾不問

免武昌田租三十一萬八千六百餘石

丙辰海溢免海康等田租三千石有奇

戊午命衛所運糧軍餉餘視正軍

宥張元吉戍還里科道言其罪不問

庚申右僉都御史李侃致仕東安人洪武壬戌進士歷官太

也先魁幾旬親寓容城晝夜號哭乞假冒訪從之母晚誓侃

講史傳以悅其意比終哀毀如喪父其至性有過人者

卒酉秦府永壽王公鈺薨年三十六謚康定

命順天府尹賑貧勸農桑

二月戊朔守備偏頭關都指揮戴廣報入紅沙烟敗之追至
石人村斬十九級

免太原大同田租三十八萬四千餘石

戊辰^夜金星並月

庚午太子少保吏部尚書姚夔卒夔字大章桐廬人正統壬

戌進士授吏科給事中遇事敢言景泰初擢南京刑部右侍

郎踰年改南京禮部考察雲南還朝留禮部天順初改南京

刑部尋召改禮部左侍郎改吏部進禮部尚書己丑改吏部

留意人才尤慎黜陟凡大事集議夔一言而決豪傑慷慨不

拘細節佐時練務類唐杜黃裳未免通覬謝見疵議也然時

罕其比矣年六十贈少保謚文敏

辛未水旱免順天河間保定田租六萬八千七百餘石

壬申翰林侍讀學士江朝宗憂去

丁丑梓宋儒朱熹通鑑綱目附尹起莘發明上序之

戊寅以旱災免平陽澤潞沁田租三十萬二千五百餘石

南京中軍都督同知翁信卒江都人世衛指揮同知嘗

己酉戶部右侍郎黃琛卒鎮江人廣東專貨利進士授戶部主

事入寧邊墩

三月己寧夏地震

甲午南京右副都御史胡拱辰提督操江

濟南長山鄒平臨邑等縣畫梅

丙申鎮遠侯顧淳卒

犯廣寧左衛總兵官歐信失利

戊戌鄭府左長史江萬程奏鄭王祈鑒疎世子屢諫移怒臣

命英國公張懋太監王允中勅諭之

己亥吏部左侍郎尹旻為尚書右侍郎葉盛為左侍郎初王

翱李秉俱北人彭時在閣李秉滿歲去北人詆南黨善傾故

用崔恭南人不悅尋憂去姚夔與銓五年北人謂斬却姚

夔頭去祭王翱墓尹旻代之時又指北黨

約論日記有之邇臣守和寧正百官非謂臣人者當和衷

守正公命賞於天而不私耶夫帝臣不蔽簡天下才為天

下用在帝心惟命又何以南北睽也與極微有向而言者

箐鼓瀾激靡為可畏哉風始於初以濫觴迄於

今悲夫

遣御史副使曠聶友良洪性往兩京龔盛浙江程宏江西馬

震福建魏秉四川樊瑩湖廣其雲貴遼東萬全都司巡按御

史兼焉

庚子始遣御史巡河東鹽

壬寅減雲南銀課十之五

進福寧縣為州

癸卯知縣強珍劉璋胡喬胡琮劉璟李珪為監察御史

免淮安及徐邳宿亳虹靈壁田租

乙巳夜南京大風雨拔太廟社稷壇樹

黃花鎮西水峪野火燬林木勢及天壽山京營兵萬人救之

返風而滅

戊申旌廬州知府朱鏞大名知府熊祥陝西按察僉事任福

南昌同知李泰冀州知州胡瑛綏德知州郝清臨江通判王

維台州通判孔彥綸隴州同知張翊城武知縣王達曲陽知

縣喬良賜誥勅

壬子量減宣府中鹽米數

乙卯增築宣府雞鳴山全道二堡

丙辰曉刻木星犯東咸星

丁巳免長沙常德荆岳辰田租六十萬二千九百餘石

庚申賑畿內山東

柳州潯梧等盜起殺通判郭暉

四 辛酉朔享太廟午刻日食

壬戌戊州知州何淵有威惠屢勦羗夷任九年軍民德之留

任

福餘三衛糾海西女直犯義州廣寧副總兵韓斌等馳擊累

敗之於興中小孤山斬六十餘級

癸亥都指揮崔勝等敗南塔見山斬九級

丙寅右僉都御史徐廷章為右副都御史巡撫延綏

土魯番速檀阿力侵哈密據其城阿力約其同掠赤斤蒙古

王母不從遂執王母及金印以去

丁卯琉球國中山王尚圓入貢

山東大風紅光燭地俄晦如夜移時乃復

戊辰盡免山東今年田租遣禮部左侍郎劉吉祭東嶽東鎮

東海

己巳延綏游擊將軍都指揮俞事黃璽為總兵官鎮守寧夏

壬申總理河道刑部左侍郎王恕改南京戶部左侍郎

浙江按察副使呂政提督織幣不如法降貴州布政司右叅

議

徙南京神機營於城外

甲戌命涼州副總兵趙英等各還鎮初以搜套集延綏竟寢

乙亥京師雨土

己卯封聰恭博野王成銘寧津王成舒素強王成鑿饒陽王

恩銅益陽王榮濠通山王

司設監太監沈繪下獄繪怙寵稔惡後踈外怨望私蓄兵器

論死

夜金星犯五諸侯

辛巳誅新會人劉銘梁狗旌吳金童妻莊氏為烈婦銘狗取

穀海康金童移家附其舟還止銘舍銘狗美莊氏犯而不受

因挈金童漁殺之投江中因犯莊氏拒益力居無何屍流於

門識之得刃跡痛不能報抱幼女投水死屍繞銘不去事聞

造石墓新易銘狗以狗

壬午西御西苑閱諸將騎射矢三中僅四人再中僅二十

三人單中九十九人餘皆否又多失馳勒控弦之節切責撫

寧侯朱永等

丙戌勅赤斤蒙古等衛以土魯番速檀阿力侵據哈密唇亡

齒寒不可不慮宜結鄰援勿聽其誘

五朔辰南京大理寺左評事章懋為福建按察僉事

甲午暹羅國入貢

庚子傳陞都督僉事李玉白玉都督同知

北平章哈失帖木兒魯滿都來降授廣州前衛正千戶

南京吏部左侍郎范理卒理字道濟天台人宣德甲申進士

令江陵有惠政擢德安知府治如江陵進福建右叅政歷貴

州左布政使南京工部右侍郎清慎有吏幹更優文藝著讀

史備志詩經集解年六十六賜祭葬

壬寅南京刑部主事張珩同巡撫年俸賑山東撥鹽引百萬

臨清粟十萬以往衍道山東貽俸書救饑俸即為之

丁未協守陝西都督僉事楊銘貪暴逮入京戍貴州

己酉夜木星犯鉤鈴

辛亥進直閣高輅戶部尚書萬安禮部尚書

寧夏地震有聲

丁巳京師雨雹

戊午起前禮部右侍郎倪謙翰林侍讀學士錢溥於南京

上念其舊勞科道交劾不聽

六月丑昏刻木星犯房宿

丙寅禮部左侍郎劉吉還自山東奏祭告海嶽得雨

丁卯蜀府汶川王友塘薨年三十謚懿簡

己巳參贊軍務右都御史王越上守禦三策以陝西計之平
涼固原實要地都指揮僉事王璽謀勇歷戰近充寧夏副將
徒擁虛名乞假以總兵鎮守庶可成功以延綏計之見卒二
萬一千堪戰不及五千若練士兵可得萬六千山西游兵三
千宜屯灰溝營
還大同游兵三千在大同右衛或朔
州互援以寧夏計之官軍經戰少輒肆侮宜令總兵官范
瑾游擊將軍祝雄等練士值深入與固原請慶陽併力
夾擊上命劉聚駐固原王越往來調遣
壬申漕運參將錦衣帶俸都指揮同知袁佑卒穎上人世南京留守衛指

揮同知轉漕十餘年

癸酉月犯建星

甲戌蘭谿大水

乙亥寧晉伯劉聚世襲進王越少保余子俊左副都御史神

英都督僉事

丙子犯薊鎮左參將李銘追之失利

丁丑知縣洪冕孫緝原文為南京監察御史

巳卯免陝西夏稅

癸未順天府尹李裕為右副都御史總督漕運

冠遠東義州都指揮僉事常凱等追戰東長嶺斬九級
是月河間蝗廣平順德大名真定保定懷慶大水

七朝郊浙江布政司左叅政邢簡為順天府尹

南京盜因風雨入都察院劫囚三人出

壬辰勅都督同知李文右通政劉文往甘肅規復哈密

癸巳左軍都督府因逸

太原地震聲如雷

丁酉慶府安塞王秩炅卒王通敏嗜書自稱滄洲野客著隨
筆二十卷有氣概標格雖不甚雅馴而才情宏肆世之人未

有知也年四十七謚宣靖

南京左府應城伯孫繼先貪暴僭侈奪爵免

壬寅督學監察御史閻禹錫乞免諸生追廩之例從之

寇榆林澗署都督僉事許寧等擊斬二十九級擒十人

庚戌東直火

水旱免應天安慶徽池去年田租九萬四千八百餘石

癸丑冊皇妹隆慶長公主駙馬都尉游泰尚之

顧溥嗣鎮遠侯顧淳從弟

復設蘇松常鎮湖通判縣丞

甲寅免彰德衛輝去年田租六萬六千八百餘石

乙卯葉縣知縣宋璽有善治為進泗州知州

丙辰知縣劉瓚黃本徐溥為監察御史

八月戊翰林編脩謝鐸言臣奉命校資治通鑑綱目畢竊謂宋

神宗集是書而不能講理宗講是書而不能用百世而下未

免追歎陛下今日莫先於講學孔子曰知仁勇天下之達

德是書所載必若漢昭帝辨上官傑之詐以仲霍光庶可謂

知而苛察非也必若漢文帝割鄧通之私以從申屠嘉庶可

謂仁而姑息非也必若唐憲宗不沮群議卒任裴度以收淮

蔡而亢暴非也陛下汲於是書誠反此心力求天下之

賢而用之增益此知擴充此仁堅忍此勇以常享太平之業

章下所司

山東大水旱蝗

丁卯署都督僉事劉清為鎮朔將軍總兵官鎮守宣府

戊辰刑部尚書陸瑜致仕

己巳改右副都御史殷謙巡撫宣府右僉都御史鄭寧巡撫

大同

前前軍都督同知楊茂卒

武昌人世初督運有稱

副千戶累功成化

壬申令阮廷珪食縣丞祿廷珪父遷平自安南降官順慶知府晚寓宣城廷珪乞官特許之

癸酉鎮守松潘都指揮僉事堯或按察副使沈琮勦白馬路等番寨大克之斬三百十六級

丁丑太子少保兵部尚書白圭憂去

前少詹事兼翰林學士柯潛卒潛字孟時莆田人景泰辛未進士第一授脩撰明年進右中允丙子進洗馬天順初改尚寶少卿俱兼脩撰上即位拜翰林學士署院勤於吏事進少詹事憂去丰神俊整高介有節文峭厲詩亦有致

廖道南曰予游翰林見有亭一區曰柯亭有柏二曰柯學士柏何其流風遺澤永矢弗諼也蓋孤介之節剛正之氣所漸被者遠矣

戊寅大理寺卿王槩為刑部尚書

己卯戶部右侍郎陳俊改吏部左通政劉昭為工部右侍郎湖廣左布政使杜銘為戶部右侍郎

廣西南丹州土官莫必勝攻劫荔波縣又賊韋萬釋流劫天河懷遠桂平羅城義寧武緣柳城岑溪

九 辛卯鎮守浙江內官李義杖斃寧波衛指揮馬璋宥之

套，北加思蘭寇韋州左都御史王越偵，盡行老弱巢紅
鹽池可取也。率總兵許寧游擊周玉以輕騎各四千六百晝
夜馳三百餘里襲擊之，擒斬三百五十五級，獲女稚畜產甲
械以萬計，焚其廬帳比午，外逐大哭，亟追我越結陣徐行
再設伏敗之，始出套徙帳二千里。

辛丑各鎮兵會葦州至紅城，左哨游擊緱謙祝雄擊，敗之。
右哨副總兵王璽周賢又敗之，棄輜重遁。

丙午脩永平伯夷叔齊廟，曰清節致祭。從知府王璽之請。

丁未錄遼東義州將士功，副總兵韓斌等陞賞有差。

戊申封豪城遠王子堠鎮平王仕棟，潞城王觀，錐鐘陵王芝

坦，新城王芝堠，湯陰王

巳酉曉刻流星自中天行至近濁。

壬子勅各邊都御史整飭邊備。

光州地震。

丙辰免大名夏稅。

丁巳定南京都城隍太常寺致祭。

南京前軍都督僉事阮勤卒。江都人世。

衛指揮同知

工部右侍郎喬毅卒。

樂平人。正統戊辰進士，館選授吏科給
事中。寬和質直，不矯飾，賜祭葬。

十庚申增順天河間淮安揚州通判各一

甲子夜金星犯左執法

癸酉曉刻月食免朝

起復戶部左侍郎原傑巡視江西

夜月犯畢宿

丙子土魯番速檀阿力等入貢

丁丑焦俊嗣東寧伯焦壽第

戊寅旌贛州知府謝景衢州同知魏安賜告身

壬午魯王泰堪薨年六十三謚曰惠

免平陽夏稅麥二十五萬八千二百四十餘石

甲申河西務通濟河厥火

犯加恩蘭白花馬池復入陝西慶陽

十甲午刑部右侍郎董方為右都御史

丙申蜀府華陽王友輝薨年五十一謚康簡

丁酉復陞射西苑把總指揮安通等九人以枉矢及定襄伯

郭嵩安卿伯張寧富陽伯李興成安伯郭鐘以不任俱免

庚子傳陞尚書司卿朱奎任道遜光祿寺少卿李淳戶部郎

中張福尚書司少卿汪景昂汪容程洛等俱光祿寺丞金溥

王恒顧本禮部員外郎王顯中書舍人張苗徐淮俱進級

辛丑前寧夏總兵都督同知張泰卒使泰守寧夏十三年隨

應變未嘗大敗稱善守云賜祭葬

戊申諭內閣編纂宋元續通鑑綱目因分七館編纂太常寺

卿兼侍讀學士劉珣學士王獻侍讀學士彭華侍講學士楊

守陳尹直左庶子黎淳左諭德謝一夔脩撰鄭環劉健汪諧

羅璋編脩程敏政陸蘭林瀚明年侍講學士丘濬入則八館

云

癸丑戶部右侍郎杜銘為工部左侍郎

甲寅免河間田租二萬九千三百餘石

乙卯蠶河東鹽四十萬引濟山西饑

長沙湘潭盜起殺指揮韓輔

温州礦盜流劫福建

十二月己未刑部左侍郎曾鞏予告

辛酉武進伯朱雲卒

丁卯錦衣衛都指揮同知袁彬乞母祭葬特許之

己巳山東京運邊運計百二十餘萬石止徵二十萬留支本

省

壬申賜山海關中山王徐達祠曰顯功
遣工科給事中韓文勤韋州功陝西紀功兵部員外郎張謹
劾諸將濫殺冒級也

癸酉太子少保兼兵部尚書白圭奔喪回部

復設陝西河州及文縣禮縣

前軍都督僉事白玘鎮守陝西

戊寅暫停徵畿內山東河南民馬

癸未免大名順德真定廣平永平田租十一萬六千餘石

乙酉重脩南京靈谷寺

是年張悅為浙江提學僉事試士不糊名曰我尚自疑何以

示信

陳善曰惟大賢不以形迹自固彼以道義為御名節為藩

籬安所事形迹哉今糊名易書徃而是亡敢以張公自

任者甚則墨印襲封委籍於下是欲以按扁鈴已也於乎

形迹甚矣母亦世變使然不得不爾耶

甲午成化十年

正朔已巡撫陝西延綏馬文升余子俊薦延安府經歷徐彬華

州判官陳琦宜川縣丞董敬米脂縣丞吳權試安定知縣琦
試安化知縣知縣敬試通渭知縣權試洛川知縣
福州地震聲如雷

丙申遠東苑馬寺卿劉璉卒 大興人正統乙丑進士授刑科
給事中性剛介被謫自先祿卿

調遠東未究其
才時論惜之

丁酉上南郊

癸卯勅左都御史王越專駐固原總督諸路兵馬

甲辰西番安定王領真儀即爾入貢

丙午警少弭散遣沿河客兵召還寧番伯劉聚紀功即中

張謹

己酉英廟賢妃王氏薨年四十五謚昭肅靖端

辛亥重給朵顏衛印署衛知院脫火赤言印為毛里孩掠之

壬子授哈密頭目脫不花指揮僉事暫居甘州苦峪城

甲寅南京大風雷雨

是月朵顏三衛夷犯開原右叅將周俊追出塞百餘里斬十

一級明日追五十餘里斬六級

松潘番賊攻燬金瓶堡

二朔辰朔免各巡撫赴京議事

戊午靖安伯和勇卒勇祖和寧王阿魯台宣德九年被殺子
阿卜只奄來降拜中軍左都督勇襲錦衣指揮使累功至左
都督成化初封爵雖降胡性廉謹兩廣之役人、危其素勇
循理守朴文武大臣媿之
己未南京大雨雪傷麥

癸亥以浙江江西折漕銀濟邊遼東陝西各十萬金大同八
萬宣府六萬榆林三萬密雲一萬

木邦宣慰司夷婦曩罕弄聚眾劫掠雲南總兵黔國公沐琮
等累撫不從

甲子大雨雪

己巳旌岷府安昌王膺鋪孝行岷王音詒風疾膺鋪侍湯藥
不刻離

定郡王將軍以下却完差等未五十年母輒葺治從荊州知

府趙璉議

辛未巡撫直隸甘肅右副都御史葉冕妻良大同左僉都御
史鄭寧並劾罷

甲戌右都御史董方巡撫大同右副都御史張鑒巡撫河間
陝西左布政使朱英為右副都御史巡撫甘肅

乙亥南京工部右侍郎蕭彛有罪劾免
丁丑土魯番入貢
談遷曰安南克占城土魯番克哈魯俱因上稱兵而貢獻
之使仍終繹於道也狡夷攻不當狎視耳
三羽戎朔罷總督兩廣軍務右都御史韓雍初鎮守廣西右少
監黃沁憚雍不得肆布政使何宜拘迂按察副使張敷焚暴
以見輕同沁刺其短沁訐奏玩寇不勦且貪慾宴飲濫賞妄
費多不法命禮科給事中張謙刑部郎中蔡麟按之勒致仕
雍右鎮盡平劇寇迄數十年無大患即小盜出沒功浮於罪

坐私忌免時論不平兩廣人至今思之

免淮安鳳陽徐州去年夏稅六萬三千石有奇
辛卯崇王見澤之國汝寧

壬辰故豐城侯李賢追封豐國公謚惠憲

癸巳吏部左侍郎葉盛卒盛字與中崑山人正統乙丑進士
授兵科給事中精白精采景泰申壬進山西右叅政協理獨
石時小城俱毀僅餘一毀垣盛鼎新之蒐伍課屯一軍為雄
進右僉都御史撫兩廣移宣府益課屯田增築堡七百餘俱
著疆場績歷禮部右侍郎有文武才所著書惟水東日記存

年五十五謚文莊賜祭塋崇禎末贈尚書
葉袁曰才之難兼文矣或以文學顯或以節行著而葉公
兼之可不謂難乎方居諫垣時嘗對仗讀彈文詞氣慷慨
國家有大利害必言之無少避忌巡撫兩廣還舟無私載
篋中惟書史檢家入匣得一葛即投江中兩鎮北邊其所
經略至於今猶賴之斯亦可以折衝矣好古博學郁、子
文章橙之於古希文之徒亞哉

劉鳳曰盛為諫官屢廷諍引是非指用事者數忤不顧其
誠直哉才實能經變圖慮緩急可仗當夷、並與折衝之

任恒交橙之作鎮方陞遂乘勝千里邊候不諫其所規置
其鳩繕用恢崇我王略迄於今是賴可謂重臣矣哉嘗有所
保任吳禎以事敗遂終其身無所薦初以人倫鑒士歸向
之卒乃謂以虛詞借故諉議及之若其恬於榮利每進皆
甲以危殆委之忘身殉節官下豈易能乎

何喬遠曰葉盛朱英並遵詩書之軌而善戎國之務純誠
正直好賢而援古斐然有其文質矣郡歸有光曰廣東布
政使王用兼叅議盛思禹並葉公同縣人見嶺南人語葉
公往、皆流涕

甲午巡撫湖廣右副都御史吳琛總督兩廣軍務兼理巡撫
丁酉工科給事中韓文勘陝西報功虛妄巡撫馬文升游擊
將軍綏謙指揮劉琮奪俸三月餘半年
己亥巡撫浙江右副都御史劉敷改湖廣
甲辰太監覃勤同傅恭總督五軍營
限建州等衛貢額歲不過八九百人
成化八年後千二百人
蒙古等衛都督僉事昆崙等以土魯番速檀阿力壽招降縛
其使三人并書回都督同知李文右通政劉文以聞乞調漢
兵數千人助討

丁未行人徐舟楊徽知縣陳璉載中為監察御史

己酉朱霖嗣武進伯朱雲弟

四川大風雷雨

庚戌大應法王劉實已死造塔禮科給事中王坦疏止不聽

壬子水災免壽泗和霍立等縣去年田租三萬七千三百餘

石

甲寅免武昌漢陽常德長沙黃辰衡去年田租五十五萬有

奇

四 丙辰琉球國中山王尚圓入貢

盜入裕州劫印

癸亥寧晉伯劉聚立聚豐人太監永誠從子得錦衣千戶歷

都督河套功進封尋世襲雖藉闖尹力亦効行間黃草梁之

役事且殆賴牙兵力捍而脫賜祭葬贈寧晉侯謚威勇

士談遷曰中貴子弟參伍疆場從幕下雍容治簿書工功雜

取金緋備執金吾足矣寧晉屢經戰陣與斬將奪旗之賞

要不可泯沒亦何至第土世哉最後逆魏效之連進公

侯君子以作事謀始詢乎

甲子刑部尚書王際上處置條例十事行之

丙寅旱災免太原平陽虛糧八十二萬五百七十七石

增雲南解額五人

己巳東光妖人劉通等伏誅俱妖書悞人命都察院榜書曰

禁諭天下

壬申南京禮部主事林孟和調慶陽通判孟和劾右侍郎倪

謙徇情市息臣不能為其屬乞調免上責其虛詞詆毀

前巡撫蘇松左副都御史宋傑卒定興人兵科給事中性和易有量進士授

乙亥巡撫山東左僉都御史牟俸等乞留倉糧二十萬石折

銀五萬一千六百金賑饑命借臨德六萬石麥稔止

丁丑水灾免鳳陽淮安揚廬去年田租十九萬五千餘石

戊寅趙府襄邑王見溺薨年十七謚懷簡

岷州番人寇殺千戶包景

己卯錦衣衛帶俸指揮使李俊為署都指揮僉事分守涼州

辛巳巡撫河南右副都御史楊璿卒無錫人正統己未進士授戶部主事通敏有操

治官如家撫荆襄流民賑京畿饑沒猶人思之

壬午封聰烱武邑王見恣盟津王見湏東垣王

鶴慶軍民府地震

五羽戌流星自北河行至近濁

戊子巡撫山西邊關右副都御史雷復卒寧遠人正統丙辰進士館選授行人

擢御史短於敷奏遷廣西副使歷任俱奉法循矩

壬寅旱灾免西安平涼慶陽鳳翔延安去年夏稅四十五萬

三千二百六十五石有奇

癸卯增江西布政司參議南昌吉安撫袁饒臨江通判俱筦

糧

丁未鎮遠府大水

戊申前南京右副都御史羅篔簹卒南昌人 乙丑進士授御史

庚戌增順天永平勸農通判各州判官各縣主簿

癸丑許臨清鎮守都督僉事王信兼理民訟

六月戊武靖侯趙輔世襲伯爵

巡撫福建右副都御史張瑄巡撫河南

癸亥太常寺卿兼翰林侍讀學士劉珣為吏部右侍郎仍直

經筵工部左侍郎杜銘改刑部

甲子錄延綏戰功進王越太子少保余子俊右都御史許寧

署都督同知劉寵後軍都督僉事周玉後軍署都督僉事張

遜太監餘陞賞有差

乙丑工部右侍郎王詔為左侍郎右通政程萬里為右侍郎

筦易州山廠

丁卯旌韓府襄陵王範址孝行王嘗刲股療母年七十五每

祭墓躬培土哀慟

壬申行人崔廷圭余統為南京監察御史

南京右僉都御史張鵬為右副都御史巡撫寧夏起林聰南

京右都御史

癸酉免湖州去年田租十一萬二千二百五十石馬草八萬

一千六百五十餘束

甲戌前南京刑部右侍郎林鶚服除補刑部右侍郎

進士李孟賜陳壽蕭顯馬孔惠劉懋為監察御史

戊寅內臣張端工部右侍郎劉昭疏京城溝渠

中軍右都督王鎮平密雲人 謹雖戚晚不改其素 皇太后父有世德鎮重厚清

己卯翰林檢討吳希賢為脩撰

辛巳知縣汪奎行人胡敬為監察御史

巡撫淮揚右副都御史陳濂卒鄞縣人 乙丑進士授南

癸未翰林侍講學士丘濬起復入朝

閏六月己丑劉祿嗣寧晉伯劉聚子

辛卯太傅會昌侯孫繼宗被劾辭營務許之

壬辰衡州安仁縣大霖雨壞人畜

癸巳夜月犯房宿

己未英國公張懋筦五軍營定西侯蔣琬撫寧侯朱永筦團

營

庚子南京後府武安侯鄭宏兼總操江

辛丑工部尚書王復滿九年考留任

乙巳錦衣衛正千戶馮俊為指揮僉事俊從李文劉文之使

哈密也奉勅諭土魯番速檀阿力語不遜明日他往留俊月

餘其妹婿牙木蘭自哈密夜至言我兵三萬在甘州且見討

阿力俱始客待俊出哈密王母與語王母以左右皆蕃不敢
語第說曰故城殘破不欲還至夜傳語曰為我懇天朝收
復哈密我老妻死不足惜明日阿力使人同俊入貢過哈密
舊城土人潛從歸者五百人

巡撫延綏右都御史余子俊築邊城東自清水營紫金峒西
距寧夏花馬池延蔓二千里每二三里起對角敵臺累不
絕空處墻築如月狀以偵敵避射僅十二崖峒八百十有九大
墩十五次墩七十八戍卒四萬九千二百五十馬二萬四千
四百四十六

薛應旂曰白圭搜套之策王越阻不行而余子俊脩築邊
墻之說先後相踵費財何止百萬而浮沙易傾邊墻實未
嘗有惟剗剗設險法庶可行耳邊臣屢以築墻請朝廷屢
發帑金輦載相繼無言一邊墻虛費者夫秦築長城且平
漫矣而謂浮沙可築也自非躬履其地者固難與言也
趙時春日以河套空虛千餘里饒衍恐其罄一擢余子俊巡撫
延綏城榆林拓地益兵為正奇游三軍三千人伺北
渡分孟仲季月各一軍蒐套大獲鳥獸財物魚鹽以贍軍
我富強而無敢渡河後河東巡鹽御史王謂套鹽

阻地鹽論罷總兵官延綏師廢菟套而韃靼勅居矣尚書
臨汾張潤云

七月寅朔再給署太常寺事禮部左侍郎萬祺誥命祺前焚於
盜已失復

復給
之始

旱災免南昌田租八十六萬四千一百七十餘石

己未諭廷綏等處嚴飭邊備

辛酉漳州大水

庚午免應朔大同懷仁山陰去年夏麥稅二萬六千二十餘
石

總督王越疾還朝

甲戌連王豪城以嫡長子恩鐸卒繼妃馮氏妾曹氏無子宜
殉葬不許

八月甲戶部尚書楊鼎議實淮安臨清徐德倉糧

丁亥先是安南調兵越雲南之廣南鎮安遂勅國王黎灝毋
輕調夷兵驚擾邊境黎灝遣偽禮部尚書阮弘毓刑部右侍
覆留使者不遣

命太監劉恒都督同知趙勝簡兵待發時亂加思蘭窺邊
己丑署太常寺事禮部左侍郎萬祺憂去

辛卯都督同趙勝為平賊將軍總兵官領萬騎禦亂加思蘭
太監劉恒監軍

前鎮守臨清右副都御史孫曰良卒曰良豐城人永樂辛未
進士授御史出守交州治最正統初起廣西右布政使憂去
起總督廣西兵又憂去起鎮臨清所在被惠有右循吏風年
八十七賜祭葬

壬辰戶科給事中張海西征紀功

癸巳起復周洪謨補國子祭酒

都督王義領叅將往宣府分擊一寇

甲午工部右侍郎王詔都督同知芮成督脩南苑

乙未晉府永和王鍾鈇薨年三十一謚順僖

進士李暹董彛為翰林檢討侍徽王

入德勝口殺把總指揮倪文

戊戌秦府臨潼王公銘薨年四十四謚惠簡

庚子博野縣祀采儒程顯程氏五世祖羽自博野徙洛

陽博野知縣裴泰疏請

丙午旌廣東按察副使孔鏞僉事陶魯林錦

壬子刑部尚書王槩卒槩字同節廬陵人正統壬戌進士授

刑部主事歷河南右叅政按察使善決獄滯案立空天順初
被誣下獄襄王瞻墀才之入朝具陳吏民呼籲狀則仍任進
右副都御史撫陝西入大理卿轉尚書雋邁刻厲負才氣好
面責人嘗擠李秉代陸瑜君子惜之賜祭塋謚恭毅
是月赤斤蒙古衛左都督賞卜答兒等欲攻阿年番族甘肅
總兵鮑政檄責之

九 癸丑朔日食不朝

甲寅南京吏部左侍郎章綸憂去

乙卯免蘇松常鎮田租四十三萬四千六百石

丙辰代府隰川王遜燔薨年四十六謚懿安

庚申命侯伯新襲及駙馬年少俱入太學

戊辰丁三百餘騎入青山口

前右軍署右都督白玉卒玉先寧夏指揮使深諳丁情其鎮

陝西有區畫丁謹不肆

己巳鶴慶軍民府地震日十有五

十月酉旌青州知府李昂湖廣按察僉事尚褫浙江按察僉事

周正方河南同知吉慶真定通判傅愨順德通判李觀故城

知縣杜中陽城知縣耿昇錢塘知縣謝頴賜誥勅

丙戌增山東勸農叅政

丁亥浙江左布政使張璠為右副都御史巡撫四川

戊子瀋府陵川王佶燿薨年六十八謚康肅

己丑翰林院侍讀倪岳上言邊事京營之兵素為冗怯臨陣

縮朒反墮邊兵之功望敵奔潰久為人所侮宜留鎮京師

以壯根本願乃輕於出禦以褻天威且延綏邊也去京師遠

宣大亦邊也去京師近彼有門庭之鑰此無陞楯之嚴可乎

頃兵部議宣府出兵五千大同出兵萬人併力援延綏相去

既遠往返不逮人心厭於轉移馬力罷於奔軼况聲東擊西

人奸態擣虛批吭兵家奧策精銳既盡而西老弱乃留於

北萬一此或有倣彼未可離首尾受敵遠近坐困謂為得計

乎臣聞軍旅之用糧餉為先今延綏屯兵乃以山西河南民

任飛芻輓粟之役仰閔而西徒步千里夫運而妻供父輓而

子荷道路愁怨井落空虛幸而至也東芻百錢斗米倍直不

幸遇賊則已矣他尚何計輸將不足則有輕賚輕賚不足

又有預徵嗚呼水旱不可先知豐歉未能逆卜如之何其可

也至今民輸芻粟補官然權貴或出空牒而授之而倉庾無

斗合之入令民輸粟補鹽然豪右率占虛名而粥之而商賈

費倍獲之利官給日濫鹽法日阻邊儲不充如故也且平日
人粟一升馬芻一束而行軍終日或一二堡或四三城豈能
俱給哉而典守悉以給數報因上病下莫此為甚由是觀之
徒委兩顧之憂於陛下誰盡心效力者乎采之建白往據
指掌之圖肆胸臆之見率謂復受降之故險守東勝之故城
則東西之聲援可通彼此之犄角易制是非不善也第二城
之廢棄既久地形之險易未知况欲復城河北以為之守必
屯兵塞外以為之助出孤遠之軍涉荒漠之地輜重為累饋
餉為艱軍食乏絕一敗塗地其有懷敵愾之心馳伊吾之志
者率為統十萬之衆累半月之糧奮揚威武掃盪腥羶使河
套一空邊陲永靖是亦非不善也然帝王之兵以全取勝孫
吳之法以逸待勞今欲鼓舞前行窮搜遠擊乘危履險徵俸
萬一運糧遠隨則重不及事提兵深入則孤不可援况其間
地方千里綿亘無際彼或往來遷徙掩襲衝突首安望於
成禽中國復至於大創矣至有謂必剪建州除朶顏乘勝而
西遂平河套夫祖宗於建州朶顏諸衛不過羈縻保塞以固
吾圉今若是將使戎狄生心藩籬頓壞是果何知識為失策
甚至謂昔以東勝不可守既以棄東勝今之延綏不易守不

若棄延綏則兵民可以息肩關陝得以安枕夫一民尺土皆
受於祖宗不可忽也向失東勝故今日之害萃於延綏而關
陝騷動今棄延綏則它日之害集於關陝而京師震驚賊逾
近而莫支禍逾大而難救此實寡謀故爾大謬為今之計曰
重將權以一統制而責成功增城堡廣斥堠以保衆而疑賊
募民壯去客兵以弭患而省費明賞罰嚴聞諜以立兵紀而
偵之情實也田復漕運以足兵食而紓民力則計之得也
哈密右都督罕慎暫治苦峪城都督同知李文右通政劉文
以復哈密調赤斤罕東二衛兵至卜隆吉見川俄聞亦節骨
俺奔白河見酋長那南奔等以四千騎伺二衛兵發襲之因
還二衛使自守或曰文等懼番駐苦峪不前謬言阿力虛還
二衛之兵王母金印卒不返

談遷曰哈密可復乎曰可復而當時未得其筭也漢屯田
車師設護都戍已校尉錯羗夷而受節制所以斷匈奴右
臂焉今哈密已潰輕兵戍之道遠不任餉惟二衛之力是
藉果二衛批其吭我兵為後勅此大漢之已事也李文等
虎視番雛視哈密嘉峪之外裹足而不敢西其言如風影
不足信國家縱之人何至今中惴之流蒙面而受事也嗟

無及矣

丙申光祿寺火燬白粳萬餘石

戊戌兵部左侍郎李震奔喪仍任

己亥發內帑鈔三百三十一萬貫償大興宛平舖戶買辦

辛丑增廣東廣西右叅議僉事各一專理逃卒

癸卯左春坊左庶子兼翰林侍講徐溥服除進少詹事兼侍

講學士

停運東黑山淘金巡撫右副都御史彭誼言永樂甲治三月

止小金乃報罷

甲辰太常寺卿余謙卒

江都人善書授中書舍人內直尤慎

前南京右軍都督同知吳良卒良女直人名完者帖木兒國

初降僑籍東光隸錦衣衛累功成化三年乞閑年九十九贈

祭葬

己酉襄垣王任壻居蒲州多不法勅責之

丁未大同師婆寨

十一月甲寅靈州大沙井驛自十月望地震如雷自後震者十一

傾城舍

丙辰守備鳳陽宣城伯衛穎兼筦徐州歸德

庚申初留土魯番首使於甘涼其畝甘州者逸教人
壬戌出帑金三十一萬濟連陝宣大榆林密雲

丙寅故朝鮮世子暉追封朝鮮國王謚懷簡李瑛父
丁卯左都御史項忠改刑部尚書

辛未四川大寧縣逃民張某以署縣事驛丞蕭彥莊罰百金
忿甚突殺彥莊於是都察院榜禁苛罰而彥莊前訐太宰李
秉令慘死群快之

壬申南京太常寺祠祭署祀丞劉雄奉祀汪琬並為奉祀世
襲

命英國公張懋保國公朱永襄城侯李瑾禱雪

乙亥前兵部尚書孫原貞卒原貞德興人永樂乙未進士授
兵部主事進郎中歷浙江左布政使值葉宗留之亂盡安反

側進兵部左侍郎叅贊軍務鎮浙江進尚書考察福建回留
鎮尋還浙江天順初謝歸歷著勞效年八十七賜祭塋

丙子免開封田租六十萬二千餘石

丁巳入榆林溝

十二月壬午朔前軍右都督李榮卒

山後人世涼州衛指揮使

乙酉翰林編脩程敏政為侍講

戊子巡視江西左副都御史原傑回院

中旨召守制署太常寺事禮部左侍郎萬祺吏科都給事中徐英等疏止不聽

罷寶慶各縣淘金初設二十一場役五十五萬人武陵尤困斃亡筭僅得三十五金撫按言其害請歲輸銀從之

庚寅翰林編脩李東陽為侍講

甲午左都御史李賓請備錄妖書名目榜示天下從之

乙未工科右給事中陳峻使占城不果入而還峻至占城新洲港知槃羅茶悅報於安南以私裝徃市滿刺加國誘之貢

還奏命俟明年安南使至區畫

戊戌雲南按察僉事童軒進太常寺少卿署欽天監事

庚子後軍署都督同知王信卒信定遠人世彭城衛千戶累

功正統進指揮使景泰初署都指揮僉事成化二年都

督僉事戰紅城進同知賜祭葬

袁袞曰王將軍好謀善戰有文武才其羸約不擾苟無纖萃廡無肥良歎袍緩帶娛意文史亦儒將之優者乎

辛丑知縣張鏞梅江雍泰為監御史

太子少保兼兵部尚書白圭卒圭字宗玉南宮人正統壬戌

進士授御史從士木脫歸募兵澤州遷山西副使景泰初浙
江右布政使天順初右副都御史巡撫湖廣平貴州苗拜兵
部右侍郎贊畫莊浪有功遂以工部尚書征荆襄盜獻俘功
尤偉年五十六身後諸子訟產清議詘為贈少傅謚恭敏
壬寅入馬營齊家溝宣府游擊將軍署都都僉事周玉敗
之斬十一級

癸卯械自宮者五十四人

丙午刑部尚書項忠改兵部巡撫大同右都御史董方為刑
部尚書

國子祭酒周洪謨上言選官限近地王府官得遷轉吏部覆
寢之又言藥矢之利南人射虎豹即死若射馬甚便命各
邊製焉

王鏞嗣成山伯王通孫

是年貴州王經同鎮遠通判楊瑄攻茅坪賊戰江上死之贈
瑄參議大夫鎮遠同知廕子入監

右副都御史畢亨開吳淞江衛十四丈深丈二尺自夏界口
至西莊家港嘉定分浚六千三百五十三丈六尺崑山浚五
千三百五十三丈七尺共役四萬六千八百三十人

己未成化十一年

正朔子傳陞李瓚錦衣衛鎮撫太監李瑾第

丙辰吏部大計降斥千八十一人浙江左叅議甯珍南昌知

府王詔中旨得留部院再疏予閑住

癸亥上南郊

丙寅巡撫陝西左副都御史馬文升總制各路軍馬

夜五色雲見

丁卯巡撫保定右副都御史張瑩改大同

周府汝陰王子壻薨年三十謚懷懿

己巳太子少保吏部尚書兼文淵閣大學士彭時進少保

辛未瀋府沁源王幼琦薨年四十謚靖憲

壬申祀故監察御史伍驥都指揮丁泉於福建之上杭祠曰


褒忠從上杭知縣蕭宏請驥安福人景泰甲戌進士

追補兵仗局

癸酉給哈密

丙子安定衛安定王領占幹此見八頁

國子祭酒周洪謨請增文廟樂舞群臣各立家廟從之



己未成化十一年

正月子傳陞李瓚錦衣衛鎮撫太監李瑾弟

丙辰吏部大計降斥千八十一人浙江左叅議審珍南昌知

府王詔中旨得留部院再疏予閑住

癸亥上南郊

丙寅巡撫陝西左副都御史馬文升總制各路軍馬

夜五色雲見

丁卯巡撫保定右副都御史張鑿改大同

周府汝陰王子埏薨年三十謚懷懿

己巳太子少保吏部尚書兼文淵閣大學士彭時進少保

辛未瀋府沁源王幼琦薨年四十謚靖憲

壬申祀故監察御史伍驥都指揮丁泉於福建之上杭祠曰

褒忠從上杭知縣蕭宏請驥安福人景泰甲戌進士

追補兵仗局逃故軍伍萬六千八百八十人

癸酉給哈密種子

丙子安定衛安定王領占幹些兒入貢

國子祭酒周洪謨請增文廟樂舞群臣各立家廟從之

戊寅定西侯蔣琬會選團營兵樂善堂
二朔未詔閉河南宜陽等縣衛銀洞八官
甲申申酷刑之禁

乙酉少詹事兼翰林侍講學士徐溥侍講學士彭華主禮闈
華避家嫌改侍講學士丘濬

戊子翰林侍講學士楊守陳夏去
宋愷嗣西寧侯宋讓子

壬辰夜流星東至尾宿二小星隨之
癸巳後軍都督同知顏彪卒鹽城人也真定衛指揮同知自備裨至大帥無他才因人成事

乙未夜月食
丙申勅諭土魯番速檀阿力還哈密王母歸城印朕一切不

問其甘肅暫留人貨待事定日護送解仇釋怨實爾國無窮
之利視據守空城自阻道路其得失無難辨者爾其圖之

丁酉行人謝秉中徐鏞陳遵毅周藩何舜賓李珊鄒滂大常
博士李廷詩知縣張銳李繩紀王弼為試監察御史舜賓珊滂

紀弼南京
庚子兵部左侍郎張文質為工部尚書仍署通政司事

癸卯曉刻月犯牛宿大星

兵部左侍郎李震卒震宛平人 進士館選授工科給事

中性醇樸歷官兩京無廢政滯侍郎幾二十年

甲辰遼府輔國將軍豪壘嗣長陽王

乙巳左都御史李賓進太子少保同太子少保兼左都御史

王越兼提督團營

丙午唐府新野王芝城薨年四十三謚恭簡

三月庚戌朔廷策首士王鏊等三百人賜謝遷劉 王鏊等進士

及第出身有差

甲寅勅南京吏部尚書崔恭叅贊機務

乙卯刑部左侍郎杜銘提督山西邊備

昏刻月犯井甯

丁巳南京右副都御史胡拱辰為南京兵部右侍郎

戊午免鳳陽廬徐去年田租四萬六千餘石

己未琉球國中山王尚圓入貢

前工部尚書兼大理寺卿趙榮卒榮字孟仁閩縣人能書授

中書舍人正統己巳使 營進大理右少卿假鴻臚寺卿同

王復往還改太常少卿景泰初拜工部右侍郎同楊善使瓦

剌駕旋進左侍郎天順初進尚書督象平曹欽勅兼大理寺

卿榮才善濟變不事紛擾年六十賜祭葬
辛酉入大同右參將李鎬等追敗之斬九級
壬戌寧晉伯劉祿卒祿幼嗣爵未久止予祭不報朝著為令
癸亥停徵畿內逋租時遣戶部郎中林孟喬以御史諫緩之
戊辰遣御史清軍胡敬江西楊俊湖廣黃傑陝西馬震山東
楊徽山西徐克河南何純四川丘山廣東廣西陳璉南畿江
南樊蔭江北王衡畿內
辛未工部員外郎張敏脩京城至張灣運道
少保吏部尚書兼文淵閣大學士彭時卒時字純道安福人

正統戊辰進士第一授脩撰己巳直閣進侍讀景泰初終制
見忤服除還翰院易儲遷左春坊大學士尋太常寺少卿天
順初仍直閣至令官端謹和介居無惰容立朝三十年非有
疾未嘗不在公學本經術值大事持正得大臣體年六十贈
太師謚文憲
袁宏曰彭公敬慎靜淵歷事三聖寅亮匪懈世稱賢相
其新論建督深切時弊同高文毅實相伯仲云
癸酉故保定伯孟昂子達世京衛指揮使
丙子昏刻流星自紫微東藩行至近濁

四庚辰伊王誤執薨年二十五謚曰悼

蜀府德陽王友城薨年四十五謚僖安

翰林張頤為脩撰

大同總兵官彰武伯楊信奪歲祿以代王訐其不法遣按多

失實然頗侵餉出疆耕牧致寇仍代府長史俸三月

癸未設河南齊豐商城二縣

乙酉戶部尚書兼翰林學士高輅兼文淵閣大學士吏部左

侍郎劉珣禮部左侍郎劉吉俱兼翰林學士直閣

勅建州頭目勿侵朝鮮初朝鮮助討建州李滿住故滿住遺

孽糾毛憐等侵擾

丁亥定琉球二年一貢

辛卯日色赤申刻如赭

禁遷安縣開礦

壬辰夜乾清宮門突

丙申魯府鎮國將軍陽鉢陽鉞與護衛指揮鮑珣爭地

赴奏切責遣還

甲辰重作乾清宮門

正丁未增畿內管屯倉事注山東按察司

五朔酉朔知縣高安胡璘為監察御史

免鎮江田租五萬八千一百餘石

壬子免龍溪南靖漳浦長泰田租二萬三百餘石

甲寅滿剌加國王蘇丹茫速沙入貢

乙卯昏刻月犯明堂中星

己未金星晝見

辛酉勅黔國公沐琮曉諭安南國王黎灞安南貢由廣西鎮

守太監錢能令指揮郭景自雲南往安南陪臣何瑄等上章

即假道人兵部謂非故事故有是命

己丑兵部言景泰初立團營後迄今纔逾二紀虧額七萬五

千七百有奇冒餉如故命核之

六丁卯上召皇子於西宮嘗攬鏡浩歎近侍竊曰官家憂

皇子耶上頷之近侍曰西宮皇子六歲矣復何憂駭問

得其故大悅立召西宮萬貴妃驚曰何不我知也具服稱賀

召皇子入昭德宮遷紀氏永壽宮請定策少俟之上手

書名玉牒曰祐橙越數日出皇子於文華門群臣入謁

戊辰疏星自闕道旁行至雲中

己巳中軍都督同知張欽卒大興人世留守右衛指揮僉事

辛未免江寧向容江浦六合懷寧桐城潛山太湖宿松
望江貴池安慶建陽銅陵建德東流去年田租六萬三千七
百餘石
壬申游擊將軍周玉為副總兵鎮守宣府
癸酉免武昌漢陽德安常德黃岳荆蘄田租二十萬九千七
百石有奇

六月卯寬延綏班軍之期季冬河凍赴戎季春河開寧家
壬午蘭州地震有聲
楊愛襲播州宣慰使楊輝子

乙酉卯刻日生左右珥童輝

劉福嗣寧晉伯劉祿弟

丁亥獎襄陵王冲秋女清澗縣主并孫輔將軍徵鏗婦王氏

孝行

己丑水災免六合合肥舒城五河太和通州高郵如皋興化

泰興儀真江都及和州田租十三萬有奇

癸巳定廣西土官襲職限半年內定名會奏

戊戌北滿魯都等入貢馬凡千五百五十餘人勅太監覃

平通事都指揮詹昇往諭以五百人入京

唐子南京右都御史林聰兼提督操江

行人宋經知縣劉魁王景為試監察御史進士丘瑤為南京

吏科給事中中土辛丑鎮守大同總兵官都督同知曹安卒定遠人世大興左

癸卯大學士商輅等言聞入皇子女日疾別居久不得見望

就近以居 皇子仍貴妃撫育俾朝夕接見以遂母子之情

至是疾甚萬貴妃故驕妬西宮事非其意也一日觴紀氏疾

作司禮太監黃賜張敏以太醫使方賢治中吳衡藥之貴妃

即請賜黃袍俾生見次日少間不召醫至大故

太子慎行璧玉塵云 太子迎入東朝貴妃即賜紀氏死或

曰自縊萬曆甲戌一老中官為予說

兵部右侍郎滕昭為左侍郎勅巡撫湖廣右副都御史劉敷

贊理軍務

甲辰免平陽田租七十一萬一千二百石有奇

湖廣總兵官左都督李震等請討沅靖等叛番徵雲貴川湖

兵六期進師兵部謂輕舉不許

乙巳皇子生母紀氏薨是日天為赤中外疑之大學士商

輅援宋李宸妃事謚恭恪莊僖輟三朝妃廣西賀縣人中軍

輅援宋李宸妃事謚恭恪莊僖輟三朝妃廣西賀縣人中軍

都督福斌女年數歲入宮弘治初內度言本出李氏入宮時
誤為紀故遂稱紀氏

七廟成曉刻金星犯天璽

知縣王崇之陳鼎徐金為監察御史

癸丑通政司左通政劉俊為南京太僕寺卿

戊午錦衣衛指揮使萬貴卒貴諸城人起縣吏謫徙霸州女

入宮拜貴妃蒙殊寵貴頗守禮法戒其子驕侈曰官家賜物

皆注於曆他日追償無及也子三喜通達俱官錦衣通姿甚

庚申朶顏等三衛請開馬市不許

辛酉增請寧秦州河州判官蘭金縣縣丞收糧

壬戌唐王瓊烜薨年六十四謚曰憲

癸亥益趙王見瀆歲祿五千石不為例舊三萬石以祖訓

江萬石濠加請

浚杭州西湖

丙寅脩南京太廟

戊辰曉刻金星犯土星

己巳曉刻有大星自北斗魁_中漸至近濁二小星隨之

甲戌曉刻火星犯積薪

乙亥廣西副總兵署都督僉事夏正辛世茂山衛指揮僉事
辛巳初平江伯陳銳右副都御史李裕戶部左侍郎翁世資

工部左侍郎王詔後舊通惠河

癸未曉刻火星入鬼宿

甲申曉刻火星犯積尸氣

戶科給事中陳德勞玳乞省墓不許定朝臣十年歸省

代府靈丘王遜烜薨年六十三謚榮順

丁亥還陝西巡茶御史仍遣行人二

北滿魯都加思蘭丞相板忽猛可並入貢加思蘭女

適滿魯都欲稱可汗謀殺滿魯都立幹赤來滿魯都知而索

之匿不與

癸巳中旨真人喻道純父宗敬追贈太常寺丞

甲午夜雷電雨雪

丙申曉刻月犯天高星

丁酉曉刻金星犯靈臺

安南國王黎灝入貢

戊戌閉秦州銀礦

庚子曉刻金星犯太微垣上將

辛丑黎灝奏先占城國王槃羅茶全侵化州弟槃羅茶悅弒
之自生子茶質皆來又弒之臣遵命息兵還男婦七百四十
餘人仍賜勅諭
壬寅恭恪莊僖紀淑妃塋西山
癸卯曉刻月犯靈臺下星
翰林編脩謝鐸為侍講

九月未朔日食

戊申定銅錢折俸錢二文折鈔一貫
己酉浚山東大小清河

庚戌秦府保安王公鍊薨年四十一謚莊簡

辛亥陳州知州戴昕秩滿民奏留進俸二級

癸丑夜金星犯左執法

甲寅知縣楊謚熊紳為監察御史

旌石阡知府楊榮普州判官張綱賜誥勅

乙卯群臣請立皇太子不允表三上許之

丁巳都督僉事白玉為副總兵鎮守廣西

己未改廣西荔波縣轄慶遠府舊屬南丹州

宥右副都御史畢亨翰林學士錢溥罪初溥家居販官鹽亨

以巡按檄蘇州派賈至是事聞服罪
壬戌選進士楊茂元等刑部聽訊如正統例

癸亥月犯畢宿

丙寅襄垣王仕壻鎮國將軍仕埭仕堯等坐瀆亂廢為庶人

庚午四川嘉定南溪隄為及威遠諸衛地震

辛未翰林編脩倪岳為侍讀

十月卯勅英國公張懋等以滿魯都僭稱可汗吞并練營兵

聽征

庚辰馮顯服除仍南京兵部右侍郎

辛巳月犯建星牛宿

癸未增通州河道工部郎中

巳丑行人馬曠為南京監察御史

辛卯月犯天高東星

壬辰月犯司怪南星

癸巳月犯井宿

乙未火星犯靈臺

十丙申監生歷事分科貢納粟

壬寅禮部左侍郎萬祺改工部院錫州廠

癸卯免順天田租三萬三千九百餘石
十一月庚戌命羽林前衛都指揮僉事錢瑾守備歸德

癸丑立皇太子祐禮詔赦天下

甲寅巡撫甘肅右副都御史朱英總督兩廣軍務兼巡撫
丙辰定南京及各布政司進表禮儀先是南京御史楊成言
進表值雨各官多不至或擁蓋或先回禮部覆從之

丁巳大賚朝臣
傳陞太監黃賜弟賓錦衣衛指揮僉事
戊午月犯畢宿

丙寅吏禮部右侍郎陳俊俞欽俱左侍郎右副都御史黃鎬
右通政程萬里侍讀學士尹直左副都御史馬文升為吏部

禮兵部右侍郎萬里出中旨

庚午傳陞太常寺少卿孫廣晏為寺卿

辛未戶部郎中祁順行人左司副張瑾使朝鮮禮部郎中樂

章行人張廷綱使安南頒詔

十二月丙子朔巡撫延綏右都御史余子俊改陝西南京兵部右

侍郎胡拱辰改右都御史總督南京糧儲

戊寅傳陞太醫院使方賢左通政仍署院事舊止太常太僕

少卿順天府丞帶俸
已卯陝西右布政使宋有文為右副都御史巡撫甘肅順天
府丞于剛為左僉都御史巡撫延綏
辛巳祀宋太傅張世傑丞相陸秀夫於崖山從廣東按察副
使陶魯議

壬午禱雪

乙酉夜月犯畢宿大星自五車流張宿五小星隨之

戊子勅回異日朕詔叔邸王踐祚戡難保邦奠安宗社亦既
有年屬寢疾彌留之際奸臣貪功生事妄興讒構請去帝號

先帝身知誣枉深懷悔恨以次抵奸臣於法不幸上賓未及
舉正朕嗣承大統一紀於茲敦念親不用成先志其復皇帝
議謚脩陵寢

庚寅淮府永豐王初弒薨年四十一謚恭和

辛卯申國子監學規

壬辰設廣東高明縣

癸巳月犯明堂上星

乙未知縣黃著馮鏌嚴賓為試監察御史鏌賓俱南京

戊戌旌萊州知府熊璣韶州同知方新成都同知李祥東昌

通判蕭彥敬河南布政司理問諸豫歸德判官陳獻賜誥勅
已亥上謚恭仁康定景皇帝不願詔
王世懋曰景帝再造乾坤終昭英廟子孫億萬年之
祚當時邠疾王之謚未愜人心大哉憲皇追稱景
帝所挽回元氣多矣臣以為既已帝矣改稱宗而不入廟
不為過也即以為大事不可數更如實錄之書邠疾王
附顯是矛盾不可亟改字
是字安南黎瀨復遣陪臣何瑄陳瑾來言留使臣事及龍州
鎮安地界

丙申成化十二年

正月命福建布政司官祭其山川先是大疫水旱斗米百錢

壬子襄王瑳塔言英廟時勅許世子郡王出游歲或四五

今禁之詔春秋各一出即日返

永順伯薛輔卒

癸丑前廣西布政司叅議常熟帖勢奪產事聞編管貴州鎮

遠府

夜月犯天高星

甲寅月犯司怪星

丁巳夜大風

戊午臨江南郊早值風不能燭伶官僵者教人

甲子撒馮覲罕土魯番各入貢

巳刻日交輝

己丑鴻臚寺卿楊宣為禮部左侍郎

丁卯夜月犯東咸星

二月亥朔日食

壬午襄府棗陽王祁鉅薨年四十謚安穆

丙戌進戶部尚書兼文淵閣大學士商輅太子少保改禮部

尚書兼翰林學士萬安戶部尚書

丁亥運帑金餉宣大各五萬遼東十萬二千陝西十萬二千

榆林三萬察雲一萬

己丑夜月食

辛卯免南陽彰德田租

災異諭脩省求直言

三辛丑翰林編脩陳音為侍講

命御史分刷各省案牘

壬寅給獄囚藥餌

三朝亥前右軍都督僉事劉端卒

中牟人世濟陽衛指揮使

壬子減內府供用物料

兵部左侍郎滕昭兵科都給事中張鑑選宿衛吏卒

癸丑勅巡撫四川右副都御史張璿撫捕播州苗賊起致仕

宣慰使楊輝任之

乙卯前軍都督僉事馮昇吳英俱署都督同知錦衣衛達官

丁巳巡按陝西監察御史許進言河西十五衛東起莊浪西

抵肅州綿亘幾二千里所藉水利多規奪於勢家宜特設官

專理部議屯田僉事兼之報可

四丙子理刑太常博士李廷壽行人謝秉中周蕃陳道教徐鏞

知縣陳英鄧玘張銳瞿俊為監察御史

監察御史薛為學等請議戰守長策從之

陝西署都指揮僉事費澄以戰原州死子梁襲都指揮
辛巳宿鎮遠侯顧溥罪奪俸三月以檀留錦承邏人也

壬午增遠東陝西宣府榆林餉十三萬

丙戌初議遣廷臣巡邊不許加勅巡撫都御史

庚寅夜太原地震有聲

壬辰昏刻火星犯上將星夜犯建星

甲午夜金星犯井宿

乙未巡按福建監察御史葉稠請以市舶提舉司專理琉球

貢物屬鎮守太監盧勝上下不許遣內官韋杏

涇陽朝邑及金縣蘭州雨雹河溢

丁酉廷議脩閼隘治鹿角榨偏箱車不利涉險宜工部造而

試之又如偏頭有警延綏西路大同西路策應朔代威遠有

警偏頭寧武南路宣府中路隨宜掩襲上從之

己亥周府永寧王子場薨年五十五謚安惠

庚子後軍都督同知芮成卒

許巡閱御史二年代

翰林院編脩焦芳為侍講

戶部郎中張福初冒奪門功得百戶賈改戶部主事至是進

順天府丞仍納直

五月己未勅山東署都指揮僉事高通總督備倭

辛亥科給事中張海部員外郎金迪覈遼東軍儲

甲寅武清侯趙輔疾辭兵柄仍領府

己未復懷柔伯施鑑爵時坐贖請貴州龍里衛立功

癸亥都督僉事昌英卒

丙寅復罷遣陝西巡茶行人以按察司官兼之

丁卯傳陞工部左侍郎萬祺為尚書仍易州山廠

左副都御史原傑往荆襄等處撫治流民時荆襄流民大集

右都御史李賓以祭酒周洪謨流民說上之說曰東晉時廬

松滋之民流至荊州乃僑置松滋縣於荆江之南陝西雍州

民流聚襄陽乃僑置南雍州於襄水之側其後松滋隸於荆

州南雍併於襄陽迄今千載寧謐如故今荆襄山谷曠遠民

遭水旱工不能賑卹則轉徙勢不能禁不若因而撫定之置

官吏編里甲寬徭役則流民皆齊民矣何以逐為上是之

北城兵馬司吏日文會奏如洪謨指遂勅傑往

靖遠伯王添定襄伯郭嵩署都督同知馮昇都督僉事白瑜

管五軍營豐潤伯曹振成安伯郭鐘管神機營

戊辰復除御史郭瑞李讓嚴瑩王璿行人李珊何舜賓鄒霽
為南京監察御史
己巳進士馮義仰昇馬中錫方陟為給事中義禮科昇兵科
中錫刑科陟工科
庚午前太子少保戶部尚書馬昂卒昂字忠高滄州人永樂
癸卯貢士授鴻臚寺序班正統丁巳拜御史整飭大同兵備
癸亥起刑部右侍郎改右副都御史居官有才幹頗任智數
凡事閑權倖委曲隨徇然亦持重不撓年七十八予祭塋贈
少保謚恭襄

六

丁丑前太常少卿兼翰林侍讀學士林文萃文字恒簡莆田
人宣德庚戌進士授翰林編脩正統初進脩撰景泰中歷左
諭德左庶子天順初改尚寶司卿仍兼侍講尋進學士年八
十餘贈禮部左侍郎予祭塋謚襄敏
戊寅廣東按察僉事陶魯為副使
己卯陝西邊儲不給召高中兩淮河東鹽谷十萬引納粟甘
涼
丁亥通惠河成通漕增平江伯陳銳祿二百石餘賞賚有差
初議引昌平三泉合獨引西湖泉之半故不踰二載仍澁然

迄今猶賴蓋亦其始勞云
已丑薛勳嗣永順伯

增慶陽通判一專理糧儲

山西按察使趙敬上六事息口風以安良善禁撻拾以扶紀
綱定此附以免奏擾恤矜疑以神冤抑明詳擬以清刑獄分
輕重以均賞罰從之

治脩武伯沈煜等罪以縱僧官常瑒挾妖道通南和伯方瑛

妾也事發常瑒成開原煜奪祿閑任泰寧侯陳桓豐潤伯曹

振錦衣指揮王珩各停歲俸

廣演劉瑾嗣廣寧伯劉安姪

雲南蒙化洱海鶴慶大理趙州鄧州盜起命守臣勦捕

丙申兗州通判陳翼以善治水改順天通判專理河道

兩廣之餉召商中鹽各二十萬引并聽民輸粟給冠帶

戊戌翰林脩撰劉健汪諧為右春坊右諭德編脩周經為侍

讀

趙王見瀟狎戲取酒怒輒以刀劒刺刺人重筮殺之或刻面

碎首而樂王祁鈺湯陰王祁錡二叔父也而亦欲殺之又強

買良家子女留止樂婦後宮詔革冠服削祿三之二祁錡減

洋祿臨漳王祁鑿坐同虐戒祿三之一

庚子廣平侯袁瑄管五軍營都督僉事王剛管神機營

七 癸卯 皇次子祐柅生宸妃邵氏出

丙午濬揚州白塔瓜洲儀真諸河

巳酉趙府平鄉王祁懿薨年三十二謚榮順

庚戌定京操官軍逃亡例

京師黑青見狀若犬豕割疾時傷人不可捉捕上嘗朝奉

天門衛士忽驚工欲起太監懷恩按之頃而定

辛亥巡撫山東左僉都御史牟倖為右副都御史巡撫南畿

宋儒朱熹十世孫燾翰林院五經博士

壬子設貴州程番府

乙卯勅四川巡撫張璠兼理松茂安綿建昌等處邊務

丙辰薛倫嗣揚武侯薛琮子

巡撫遼東右副都御史彭誼致仕誼鎮靜有威裁鎮閣之橫

邊人德之

丁巳增九江守備

壬戌山東左布政使陳鉞為右副都御史巡撫遼東

癸亥大學士高輅等言脩省之實曰節財用吟密等處番人

來京攜帶玉石多被細人誘引進貢計囑行戶高直賣官規
取厚利閭閻枉滿徭徭自都綱禪師陞空國師佛子法王等
給金銀印圖書其徒死更求造塔二者皆侵耗朝廷宜行禁
治曰卻貢獻廣東雲貴等處有貢奇花異草珍禽奇獸珍珠
寶石金銀器物此物非出所貢之人必取諸民取民不足又
取之土官夷人家一物之進其直十倍暴橫生靈激變邊方
莫此為甚乞勅內外臣自後皆毋進曰開言路曰慎刑罰曰
足軍餉曰飭邊備永繫間以交趾為郡縣其後鎮守非人遂
致隔失令兩廣四川貴州雲南俱系邊遠雲南與交趾尤為

切近蠻夷土官易生事變宜命吏部推剛正有為大臣一員

巡撫上嘉納之

國子祭酒周洪謨請加孔子大成至聖帝號邁豆八侑禮部

言謚號之易否器數之加否不足為孔子重遂如故

乙丑上禁中祭告天地以黑青也

丁卯兵部右侍郎馬文升戶部右侍郎程萬里整飭邊備

戊辰遣官錄囚京省

八朝末朔南京戶部左侍郎王恕改左副都御史巡撫雲南巡

撫順天左僉都御史張綱予告

丁丑丙承運庫監生袁慶見內帑虛耗歲入不供而售瓦寶
石無虛日工章極言其弊命杖五十遣之至是仍入太學後
舉進士終廣東按察僉事

庚辰遣給事中御史覈畿內屯田
辛巳大理寺右少卿汪霖為右僉都御史巡撫永平整飭兵

備

武義縣大水

壬午行人宋經知縣劉魁王景為監察御史

甲申增徽州階州判官各一隴西縣丞各一俱理邊儲一員

乙酉大學士高輅言郊祀之禮歲一舉行至重事也邇聞

皇上廣敬天之心建祠宮北奉祀玉皇造祭器樂舞之具一

如郊廟并新編樂章命內臣習之欲於道家所云神降之日

舉行祀禮臣等竊詳 皇上為此母非欲上為 母后祝釐

亦為生民祈福但稽之於古未合禮經晉傳說告高宗曰躋

於祭祀時謂弗欽禮煩則亂事神則難伏望停罷凡內廷一

應齋醮亦悉禁止從之

薛應旂曰商文教此舉亦事君之常耳若我 世宗聞之

則從之如轉圜不帝如 憲廟矣奈嘉靖末年之相不惟

不遠且自為齋醮以逢迎之始知文教不易得矣

南京大理寺左少卿金紳為南京刑部右侍郎

停湖廣四川江西三司官俸令戴罪捕盜

丙戌宥都督同知趙英罪初英分守涼州縱家人販茶哈密

回回

都督僉事張榮卒 毫人世指揮使

丁亥左都御史李賓請製偏廂車五百輛鹿角榨五百具兵

部言登高涉險不便 工已之

夜月食

甲午巡撫甘肅右副都御史宋有文等言土魯番求貢許之

已亥邊警稍息召鎮守大壩署都督僉事韓忠還京

九兩午撫治荆襄左副都御史原傑奏地方事宜

鶴慶軍民府大雨雪雹

己酉南京太常寺少卿潘榮為南京戶部右侍郎

妖人李子龍等伏誅 初易州人侯得權為游僧值道士曰道

氏子孕十四月而生紅光滿室名子龍得權感之變姓名李

子龍蓄髮游真定間賣入內府內使鮑石鄭忠等師事之謀

逆還校以間執下 獄盡誅其黨 昏刻月犯建星

辛亥增孔廟籩豆佾舞之數卒如周洪謨言

壬子衡州知府周瑛為山西行太僕寺卿

癸丑失朝一百一十餘人各停俸三月

邊警方劇令旗軍能出皆募兵滿百人以上者賜冠帶

乙卯封謨錡伊王偕瀟韓王同廕周世子豪壙沅陵王豪壙

長陽王見瀉河陽王詮鐸沁水王甲銓華川王

丁巳都督僉事周貴卒六安人

己未連府衡山王貴城薨年五十一亡子除謚恭惠

庚申封總兵官左都督李震興寧伯右副都御史劉敷為左

副都御史參將都指揮使彭倫為都督僉事俱靖州功

辛酉連陽衛地震有聲

夜月犯井宿

癸亥晉府交城王美琬薨年七十謚榮順

戊辰夜大星自五車流軒轅後三小星隨之

十月辛未朔傳陞監生李英儒士顧經郭亨萬燭蔣釗張欽陳育

楊清周冕陳鑑孫士端沈葵李瀚劉鍾余昭謝汝明解綸趙

哲包銘鄒存敬俱冠帶中書科食糧直御用監以誦太監梁

芳韋興得進往三取釋道書及小說不經之語標以異名干

進至美官或歲三四遷經父瑛以巫起太常卿煥工部侍郎
祺養子存敬初名棖驛丞罷官至是改名其他多謫商市獨
也
壬申梁頰三衛夷人復請開馬市不許
夜大星自參宿流南園後二小星隨之
甲戌南京戶科給事中蕭龍象居有罪戍邊

夜大星自天苑流近濁

丁丑宿刑部尚書董方大理寺卿宋旻等罪初都人栗洪執
隣人之奸其妻者已殺之擬絞上不允詰責之

或演封皇貴妃萬氏宸妃邵氏順妃王氏和妃梁氏昭妃王

氏

庚辰總督兩廣右副都御史朱英等招撫廣西猺獠賜獎勅

辛巳京師薊州地震

夜大星自玉井流天園

癸未夜月犯外屏星

丙戌金星晝見夜月掩昴宿

庚寅禮部奏度僧道萬三千三百四十八

辛卯夜土星守軒轅大星

南涼禮部左侍郎章綸致仕

壬辰封朝鮮國莊李婁繼妻尹氏四十八

戊戌詔兵部檄宣大密雲山海連東偏關等守臣整兵備

置饒平縣

十月辛丑朔夜有星自華蓋流近濁

癸卯傳陞大隆善護國寺灌頂清心戒行國師班卓兒藏卜

為灌頂大國師大能仁寺覺義結瓦領古為禪師餘陞秩有

差時僧道傳奉日威吏部自奉旨左順門明日補奏至是內

官厭其煩令弗補奏

乙巳鑄哈密衛印給都督罕慎

戊申夜雨同沐星祀室宿

己酉撫治荆襄左副都御史原傑為右都御史賜勅

庚戌增汝陽縣丞

辛亥秦府興平王公鏢薨年三十謚安僖

癸丑進士唐昭為德甯左長史近例親王出閣選進士侍書

甲寅賜斜陞公孔弘泰誥命特玉軸

乙卯續脩詔通鑑綱目成時纂脩官戶部尚書萬安吏部右

侍郎劉珣翰林學士任獻侍讀學士彭華侍講學士丘濬左

諭德黎淳謝一夔右諭德劉健汪諧侍講程敏政脩撰鄭環
羅璟編脩陸簡林瀚上詢序之

丙辰海寧伯董興卒興長垣人初燕山右衛指揮謹厚頗知

兵天順初石亨言其請除內難功得封尋鎮守總兵連東不

能圖利科刻為奸利糟欵誅坐流廣西後復爵孫昇乞襲不

允世燕山右衛指揮同知

丁巳追封魯府安丘王嘗遜父陽慶為安丘王

己未都督同知鮑政卒山後人

夜月犯軒轅女星

壬戌哈密使臣言苦峪城隘且沙磧無水不可耕而肅州東

有金塔寺并魏城魏里等乞賜居不許

癸亥南京大雷雨

命行人伴送貢夷并禁其市兵器從馬文升之言

甲子夜大星自常陳流天市西垣

乙丑夜有二星分墜延綏波羅堡

是月巡撫四川右副都御史張瓚率兵同致仕播州宣慰使

楊輝勦灣溪大壩等徼賊之斬四百九十六級招撫男婦九

千八百三十七人

十二癸酉傳陞南京禮部左侍郎倪謙為尚書翰林侍讀學士
錢溥為南京吏部左侍郎國子祭酒周洪謨為禮部右侍郎
仍署監事
乙亥禱雪
丙子仍裁瓊州整飭兵備副使
戊寅翰林侍講徐瓊為南京侍讀學士
己卯夜西北赤氣長五尺許狀如矛鋒
壬午復通涿霸薊州判官宛平順義主簿各一專理柴炭
甲申傳陞錦衣正千戶萬通為指揮僉事副千戶萬達軍人

邵宗第宗第王敏順為正千戶俱世襲

而直父封侍讀學士例不命賜其父祭是朝臣乞恩甚衆禮

特許之而乞恩仍接跡矣部奏定非授本等封贈者不與

戊子曉刻月犯明堂上星

刑部右侍郎林鶚卒鶚字一鶚台州太平人景泰辛未進士
授御史薦守鎮江廉方有才尤好古博雅微少恩政事頗刻
年五十四卒無以殮賜祭塋
己丑設鄖陽府即其地設湖廣行都司右都御史原傑前奉
命編歷荆襄間深山窮谷俱親涉履宣上德意流民忻然

皆著籍計十一萬三千三百七十四戶四十三萬八千六百四十四人遣歸故土萬六千餘戶願附籍九萬六千餘戶許各自古曠土為業供徭賦置郟縣於是割湖廣之竹山郟縣地置竹溪郟西割河南之汝州唐縣置相柏南召伊陽割陝西之商縣置商南山陽進商縣為州立郟陽府衛控制之薦鄧州知州吳遠為郟陽知府上悉從之

高岱曰驅逐流民唐末曾以之亡蜀豈不失策之甚哉王者有分土無分民堂一統之盛既不能賑民使無饑矣乃禁使不就食於曠土豈人情也哉况中原聚失業之民

襄鄧晞不耕之地其於體國經野之規容民畜衆之義胥失之矣由是觀之項忠之蕩定者一時之功而原傑之經略者百世之利也後人蒙已成之業不能平定安集而至

有萌孽孽於承平者亦深有媿於前賢云

陳士元曰予聞人言竹山房縣界西蜀大寧大昌有山徑通徃來若開此道為西蜀東路則商旅稱便且大寧有萬頃山廣數百里岩箐險密奸人每嘯聚焉東路既開無控於鄧陽督府則蜀中魁裡失穴窟而黎庶帖然亡警矣或恐啟釁謂蜀路多則瞿塘莫守此偏安之見非所以談一

統之治也

夜月犯左執法星

夜月犯進賢星

辛卯臨汾縣天鼓鳴

甲午整飭兵備兵部右侍郎馬文升作連河浮橋以通往來

乙未右副都御史陳鉞請勅諭都指揮以下有罪徑執治不

許

丙申禮部右侍郎周洪謨釋監事司業耿裕為祭酒

巡撫大同右副都御史張鑿為刑部右侍郎

也亥後府都督同知趙勝為左都督

丁酉

正朔午免杭台紹興寧波去年水灾田租四十一萬三千八百

四

戊申夜月犯畢宿

巳酉周府昨城王子壞甕

庚戌

巳未前雲南布政司

朱應登

辛酉四月左布政李敏為右副都御史巡撫大同
提督四夷館右通政劉文致仕

壬戌大興左衛指揮使周廣奏近年鈔千貫直銀四五錢勢
濠每於各布政司郡縣每鈔千貫徵五金乞禁之報可

甲子代州天鳴

五己丑夜月犯建星

丁戌辰翰林編脩陸簡為侍講

己巳增孔子籩豆樂舞遣吏部尚書兼文淵閣大學士商輅

告太學翰林學士王獻告關里

翰林院編脩費闈為國子司業

改大壩兵備副使為安綿石泉江油龍州等處兵備監察御史

史沂沂為之

分遣給事中御史覈邊餉李俊滿瑄往四川劉昂劉仁往延

綏黃澄改正往大同彭序衣禎往廣西張善言陳遵毅往貴

州湖廣和遜薛綱往寧夏王謙婁謙往薊州唐章何鑑往宣

府黃麟翟廷蕙往甘肅

鳳陽臨淮晝晦地震有聲

二月甲寅府瑞昌王奠墀薨年五十八謚恭僖

二甲成安慶大雪雷電明日大雨江溢

咸寧王奠培樂安王奠壘祿初奠壘奏寧王慘酷貪淫不軌
等事命太監羅祥駙馬都尉石璟刑部左侍郎杜銘往按多
實惟不執為虐於是勅責之奪寧王半祿樂安三之一
丁丑武備滿魯都加恩蘭各入貢俾閱兵護之
福建建寧衛指揮同知楊畢少師榮魯孫也坐致死人被劾
入京求解匿其戚中書舍人董璵所而百戶韋瑛故無賴子
校內官蒙其姓從征冒功得官璵求瑛為畢地瑛覩其豪族
西廠邏校捕之搜得其擬賄賂內閣高輅及法司大臣司禮

太監黃賜陳祖生皆有名旦奏下追所擬賄賂畢璵皆不服使
校入覲之三覲者錦衣酷刑也以加人人骨節輒離寸許畢
璵不勝苦即妄言寄畢叔武選主事仕偉處汪直不用駕帖
直梓仕偉至掠之并逮其孥翰林侍講陳音與仕偉比舍閣
官校驚聲乘墮罟之官校曰若不畏西廠耶音曰我侍講也
官校竟以其孥去仕偉實不受寄金被拷號痛與畢璵不歡
日死汪直復使瑛入福建籍畢產逮其家口赴京汪直大藤
峽程種也程賊平閩直入禁中為昭德宮內使進御馬太監
便請足任不上飛之自李子龍誅後工銳意詞察外事以

命直衣布衣褻帽乘驢騾往來都下莫重也久之大小政事
方諳理語悉採上聞上悅之特立西廠使錦衣官校百餘
人從之聲勢赫然起矣
成寅夜月犯井宿
已卯傳陞道錄司閑任右玄義仰彌高為左在靈亦計
壬午監察御史熊繡誦清豐知縣繡初按陝西以左布政使
于瑞魏幣金於乾馬寺卿邵進繡鞫庫官瑞夫京懇其在覈
之瑞進並免繡繡
癸未武安侯鄭宏卒宏侈肆惟簿不修

夜月食

庚寅脩遼東邊垣堡壘

甲午旌代府靈丘王仕墁孝行

浙江山陰縣忽涌血高丈餘

戊戌設四川安寧宣撫司及懷遠宣化二長官司

閏二月癸卯臨沅鞏昌地震有聲

九月錦衣千戶吳綬請禁博報泄旨從之

丙午韓府襄陵王冲烱薨王性至孝六被旌勅母年八十一

得危疾割股療之母泄下取膏敷爛瘳成化初入河套請

率子孫及壻從軍讀書樂善節儉好禮為藩輔冠年七十謚

莊穆

戊申秦王公錫奏邸殿門庶以命護軍採木漸為之

辛亥分守莊浪都督同知魯鑑子麟為萬戶魯氏世統土兵

麟壯勇善戰

壬子夜月犯進賢星

丙辰免平陽大同去年災租六萬三千六百四十石有奇

丁巳監察御史吳道宏往鄆陽撫安人民原傑薦道宏才望

出已上也

我許勅廣東按察副使陶魯提督高雷兵備防禦蠻寇

夜有星自中台流北斗杓後三小星隨之

己未夜木星犯外屏星

辛酉免山東田租四十一萬二千五百一十餘石

癸亥詔脩省

己丑河南大水

三月己酉府黎城王幼瑗薨年四十一謚莊惠

安南入貢

滿魯都亂加恩蘭貢馬駝使者三千餘人詔許千七百人

餘諭還告饑鎮撫官廩之而去
庚午故海寧伯董興孫昇乞襲爵不允襲燕山右衛指揮同

知諸城縣地震有聲

壬申琉球入貢

乙亥邏校捕寧晉人王鳳等謂與贖者康文秀於臨清于源
家謀逆株及知縣薛方致仕通判曹鼎並誣伏至是方鼎家
並擊登聞鼓訴冤鼎故相鴈之弟事下法司時邏校故為屬
書誘愚民而捕之無敢言者

庚辰夜大星自貫索流句陳

壬午陝西河州地大震如雷丙申丁酉俱震

癸未拍宮求用者積九百餘人以違禁命錦衣衛各杖二十

遣回

慎妖言之罪分守懷來參將廖禮信部卒妄報妖言株繫甚
衆而巡撫殷謙參將都督俞壽周賢巡按御史何鑑太監弓
勝等各如之下都察院獄鞠誅妄報者并罪禮等

甲申行人賀元忠司馬聖范珠蔣昂李寅王珙為監察御史
戎子免開封交租三十九萬一千二十餘石

任辰故禮部左侍郎許彬贈禮部尚書

丙申命慎選王府官嚴保勘考試之禁

四湖武朔進士潘洪張雄唐祝相景賢劉英林元甫王珩為給

事中洪雄吏科祝景賢戶科英禮科元甫珩工科

甘肅衛天鳴地震生白毛地裂水溢有青紅黃黑等沙寧夏

地震聲如雷壞城郭甘州鞏昌榆林涼州沂州郟城滕費嶧

等縣俱地震

己亥楠京試監察御史嚴賓考中下謫盱眙知縣

夜大星流雲中

撫子封芝址唐汪恩銘肅寧汪恩鈞長垣王仕壩靈丘王膺

鮑鈔陽王楷汪漢陰王奇清永和汪誠潔臨潼王申銜德陽

汪

使部左侍郎陳俊為南京戶部尚書

汪寅巡撫雲南左副都御史汪恕為右都御史

癸卯傳授太監高義第禮為錦衣百戶帶俸

南京監察御史任英等以災異請考察京官從之

免年陽府去年夏麥七萬二千三百餘石

己巳勅商輅謙謹身殿大學士萬安太子少保吏部左侍郎

劉珣禮部左侍郎劉吉俱尚書仍兼學士以續通鑑綱目成也纂脩館翰林學士汪獻為少詹事仍兼學士左庶子黎淳為少詹事兼侍讀學士彭華為侍講學士丘濬左諭德謝一夔並為學士右諭德劉健汪諧為左右庶子侍講程敏政陸簡為左右諭德脩撰鄭環羅璟為司經局洗馬編脩林瀚為脩撰

復懷柔伯施鑑爵

成坤右都御史原傑改南京兵部尚書

辛亥順天府尹邢簡為南京大理寺卿

暹羅入貢

番僧班卓兒瑞竹為灌頂國師完卜俄背兒堅剎為領占端

竹國師

夜月犯罰星

癸丑刑部郎中武清勘事廣西回至通州廠校言其重載汪

直繫之尋釋不以聞

丁巳江西布政司右叅政胡濬為順天府尹

汪直令百戶韋瑛執太醫院判蔣宗武下廠獄

已未禮部郎中樂章行人張廷綱俱自安南還執下廠獄免

官未斷時中樂善人與武職具日與武職下無其
辛酉增延安府同知專撫吐軍理也

有南京兵部右侍郎馬顯罪顯考滿還任載采官舫御史戴
縉發之下南京法司得釋

浙江左布政使劉福起復至京或構之汪直下之西廠獄
壬戌胡璠襲錦衣衛指揮僉事父胡真故保母子得官又傳

禁蘆特恩也

開原大風雨雪極寒
甲子法司擬楊泰死命太監錢喜及百戶韋瑛籍其家械男

四百餘人入京泰弟兵部主事仕偉調台州通判嶧禮部主
事董序調河間通判從弟中書舍人仕儆調惠州衛經歷

為廣琉球國中山王尚圖復請歲貢不許

五月朔朔免鳳陽淮安揚徐去年夏麥八萬九千餘石秋租十

一萬五千四百餘石
監察御史王本自雲貴清軍回有私書瑛以汪直意搜得象
笏等下錦衣獄除名

戊辰前湖廣按察僉事黃潤玉率潤玉字勤人永樂初

徙江南富民實北京請代父行宦少之日父去日老見去日

長遂從之舉京闈訓導建昌改南昌拜交趾道御史出按湖
廣遷廣東僉事憂去補湖廣坐誣謫倉山全致仕世稱南山

先世

楊守陳曰方其少時也負笈之舉及其壯強益脩耄老不
懈德足重於象功足昭於時言足立於世其可謂有道而

五江甚文者與

癸酉免睢州去年田租

定陶縣地震有聲

甲戌汪直令韋瑛執署太醫院事左通政方賢下西廠獄

丙子傳陞都指揮袁彬為前軍都督僉事

巡撫陝西右都御史余子俊奏粟林等族蓄攻龍溝堡官兵

敗之擒二人斬百六十五級上勅勞之

罷西廠時廠校刺事煩密苛細民間鬪罵縱犬爭雞並痛捶

責有犯封閉其家或夜搜之所掠辱妻孥皆去衣裸杖遣人

四出偵王府鎮守總兵諸處亦輒私有擒械人情大駭大學

士商駭萬安劉瑚劉吉上言近日京師伺察太繁法令太急

刑網太密人心洶洶各懷疑懼非承平之世宜容皆緣陞

下委聽汪直而汪直寄心群小往者曹欽之變皆由遠果生

事臣謂不去汪直天下安危未可知也因疏直十罪皇上怒
曰用一內臣奈何輒繫安危於天下使太監懷恩淫濶詰問
誰先往者輅曰朝臣無大小皆請旨收關而汪直敢擅執三
品以上宣大重鎮直一日擒械數人南京留守大臣直擅捕
之朝廷耳目直輒自更易直不去安子危子臣等同心一意
無有先後珣奮泣曰臣等待皇上東宮幾二十年朝廷清
明忽汪直恣害何忍坐視安吉各推言之懷恩以聞 上是
之去罷西廠散遣官校兵部尚書項忠偈九列共劾直命懷
恩數直罪責之退還御馬監成彙瑛宣府人心大快時西廠

驟韋太醫院判蔣宗武囚衣返其家人未之知也初直在西
廠左都御史王越日往候之吏部尚書尹旻因越與厚及項
忠等奏使武選郎中姚瑩持赴旻署名旻曰疏出本兵部本
兵自首之瑩曰公張六卿是怒曰今日方知有六卿長耶即
遣人報韋瑛雖署名瑩出自兵部具報其罪遂出
武廣謫司禮太監黃賜陳祖生於南京汪直既退泣訴
前曰奴得罪皆黃賜陳祖生為之非外廷意遂出賜祖生司
馬南寧
已外增曲陽縣丞專撫流民

辛巳傳陞文華門庶務尚書司卿汪景昂太常寺丞金溥王
恒禮部郎中吉順俱別改京秩於是景昂禮部郎中溥禮部
主事恒工部主事順順天治中
署太醫院事左通政方賢成連東初厥校搜其家得片腦沉
香等物謂盜官物又所歲御墨龍鳳藥丸斃器故得罪

壬午尚書司卿朱奎以善太監黃賜謫保寧府同知

隰州及永和韓氏大雨雹
丙戌宥前軍都督僉事袁彬錦衣指揮同知焦泰罪以偽僧
人牒鬻於浙詞連彬等

庚寅巡撫雲南王愬奏安南人潛窺蒙自縣蓮花灘造兵器
又境上設偽總兵

辛卯傳陞錦衣副千戶吳綬於鎮撫司同林密問刑副千戶
楊瑛回本所

壬辰陝西按察使王朝遠為左僉都御史巡撫甘肅
禁過刁訟從都察院之請

甲午兵部尚書項忠予告
勅旌廣東左布政使周鐸河南按察副使王璘黎平知府楊

緯泗州同知杜叅潛山知縣費瓌

前浙江左布政使劉福以歲幣不如法降陝西按察使

六兩申朔南京前軍建平伯高遠還京

署前府都督僉事吳顯後府都督僉事楊祺俱劾罷

南京兵部尚書原傑卒傑字子英陽城人正統乙丑進士授

御史歷右副都御史撫治荆襄流民置郡縣利賴百世年六

十一荆襄人間訃為巷哭罷市贈太子少傅子宗敏廢入監

謚襄敏

夜大星自騰蛇流左右旗

丁酉勅廣東都指揮僉事歐磐充叅將分守廣西柳慶

己亥沂州地震有聲

足襄伯郭嵩理南京前府都督僉事王受理南京後府

正寅荆府都昌王祈鑑薨年四十六謚惠靖

癸卯嚴捕盜之令

甲辰前兵部尚書項忠削籍汪直怨項忠之劾已也囑官校

發江西都司僉書劉江與指揮黃賓事謂賓求於兄太監黃

賜扁武選郎中姚璧得由京銜陞江西都司科道交劾忠違

法詞連其子錦衣并送綬上命法司錦衣廷鞠忠忠坐贖

革秩江戍邊

談遷曰頃襄毅之劾汪直以衆不以獨恨其不克也非牀
於害也議者謂襄毅嘗道值直不覺直騎過趨謝之直心
不慊於是倡諸臣共劾讒口文致其不善成人之美如此
興寧伯李震降右都督罷居南京錦衣千戶吳綬誣震遺項
忠地造室震不勝掠誣服
丁未傳召惠安知縣永韶入朝

前南京太僕寺卿鄭攸卒南城人宣德癸丑進士

庶民南京監察御史戴縉考察入京上言近來災異薦臻
皇上諭兩京大臣同加脩省未聞大臣進何賢才退何不肖

亦不聞群臣章何宿弊劾何嘉猷獨太監汪直緝奸捕貪允
命必論足以服人警衆第部下韋瑛等行事張皇大臣奏允

即蒙革罷伏望皇上推誠任人及時行政即命兩京大臣
自陳去留決自聖衷復西廠如故始上心疑閣臣受楊昇

金徒位高置不問及縉疏入御史王億亦言之益心動復開
西廠汪直刺事如故調察益苛人不堪命

朱睦㮮曰嗚呼自古閹豎之禍未有無黨助以成者戴縉

之罪何勝誅哉

談遷曰人汪深居宮禁中外懸隔常疑吏民之怨詛奸頑

之欺時也恨無術以籠之官校調察耳目密布不虞神鏡
雖轉圜於閤部終以戴縉投其杼矣縉甘為鷹犬固不足
責竊為王越尹旻輩羞之矣
京師雨錢
禁私錢

丙辰兵部請臨清設巡撫鎮守官防饑盜不許
西數年
癸丑兵部武選郎中姚璧調思明府同知若瘴不赴滯留廣

太監劉綎鎮守江西
七月刑部尚書董方太子少保左都御史李賓引年致仕

戊辰巡撫湖廣左副都御史劉敷兼撫治鄖陽

己巳戶部右侍郎程萬里乞休改南京工部

辛未命翰林院會內閣自覈其官屬

左春坊左庶子劉健翰林侍讀周經主試應天

壬申詔兩京堂上官五品以下者聽吏部考覈時太常寺丞

吳道亮自陳休致上意其僭故有是命

賑都人水災時大霖雨壞民居

癸酉定遠軍士冬衣布花布一匹折米 兼支二石五斗

棉花一斤兼支四斗 上意其數其命

南京前府定襄伯郭嵩嘏督操江

夜月犯罰程 自其其高

乙亥禁山西攬納糧芻

巡撫雲南王恕劾鎮守太監錢能私遣指揮郭景等以尚方

物遺安南黎瀾 厚報之 臣廉得之 景入井死 逮從者 沒入

其紫請治能罪 上不問 時安南欲開黎瀾 至是謀敗 封

丙子考察京官奏斥三十三人

戊寅命內閣考覈左右春坊司經局

已卯勅各邊鎮守巡撫等官從宜計議彼處拜盜安民之術

選將練兵之方備奏以聞

辛巳夜月食

太僕寺少卿韓定恭順侯吳鑑懷柔伯施鑑護月中府後至

行禮於外並下臺獄贖還秩

乙酉免江西去年田租四十三萬二千餘石

丙戌吏科都給事中趙侃等言近諸大臣自陳休致惟許董

方等三人餘皆存留然尚有公論未協者如戶部尚書薛遠

過於寬縱兵部左侍郎滕昭失於鯁介周駿居光祿才力不
及楊宣居鴻臚清譽無間大理寺丞劉瀚進秩不恆清議南
京工部右侍郎程萬里惟務奔兢乞令自陳使之休致御史
尹仁等亦言之報可遂昭宣萬里致仕調駿東連苑馬寺卿
瀚延平府同知文恭副都御史劉瀚進秩不恆清議南
遠海衛都指揮俞翹備禦洮河城縱一殺掠例戍邊宥之降
二秩

丁亥宣府副總兵周玉為鎮朔將軍鎮守宣府宣府總兵官
劉清移永平山海右都督馮宗還京大同右叅將都指揮使

康永充宣府副總兵
戊子都督同知陳達同河道工部郎中楊恭於通州天津等

處役卒三千人役郡縣千人築隄便運

庚寅南京吏部尚書崔恭致仕

辛卯少詹事兼侍講學士徐浦憂去

巡撫陝西右都御史余子俊為兵部尚書南京右都御史林
聰為刑部尚書國子祭酒耿裕為吏部右侍郎南京大理寺
卿邢簡為戶部右侍郎巡撫寧夏右副都御史張鵬為兵部
右侍郎陝西左布政使程宗為右副都御史山西左叅政侯

璦為光祿寺卿鴻臚寺少卿施純為寺卿戶部左侍郎翁世
資總理京儲翰林檢討李暹董彝為徽府左右長史中書舍人嚴良能金
珙為審理正副待詔王言周鼎為紀善
釋定安王長子聰滿回代州守祖墓

癸巳陝西布政司右叅政秦紘為右僉都御史提督鴈門等

閩蕪巡撫山西

巡撫永祥左僉都御史張綱致仕

甲午免福建去年旱災田租十五萬九千九百餘石

是月葦昌平涼隕霜殺稼

八月昧朔太僕寺少卿李綱為右僉都御史

丙申夜火星自壘壁障旁流天倉

庚子右副都御史程宗巡撫陝西召巡撫河南右副都御史

張瑄回院

置陝西黑水苑隸長樂監

辛丑貴州總兵官都指揮同知吳經為右軍署都督僉事初

播州宣慰使楊輝奏陞經秩兵科駁之至是巡按御史吳祚

復言之蓋經吳經兄也

癸卯祭唐褚遂良於杭州儒士周璟言之

甲辰山東按察副使賈俊為右僉都御史巡撫寧夏

兵科左給事中郭鏗等上脩攘外事清軍伍恤邊卒革宿弊

立武舉廣用人惜名器脩保障待使選文臣通達國體者為館伴

京營官軍仍遣官點閱武舉不必設餘如議

乙巳武義縣大水

戊申兵部右侍郎馬文升乞慎選武學教官從之

唐成都督同知馬讓卒和州人世金吾右衛指揮同知

辛亥夜月犯外屏西星

壬子前通政司右通政劉文萃大同人正統元年進士次右

夜月犯天用西星

癸丑夜大星自柳宿流星宿

甲寅命上閔兗州及南幾水災命戶部擇司官五人分賑刑

部郎中張文往兗州兵部郎中張謹往淮安戶部郎中谷琰

往揚州吏部員外郎國泰往徐州戶部郎中李炯然往鳳陽

俱賜勅

復河南巡撫官

乙卯免陝西去年田租二萬六千餘石布二千四百三十匹

曉刻月犯同怪星
天賦五萬六千餘歲或二千四百三十五

荆府都梁莊見溥薨年二十六謚悼惠

丁巳詔留巡鹽御史雍泰一年以撫恤兩淮龜丁

戊午巡撫遼東右副都御史陳鉞以首夷私市禁物乞令行

以同分巡僉事於開原撫順等關驗放從之

己未翰林學士丘濬為國子祭酒

分守靖州左叅將都指揮同知高瑞等禦苗失利降級凡七

來人

總督兩廣右副都御史吳琛卒琛繁昌人景泰辛未進士授

御史有時名其鎮兩廣承韓雍之後矯以儉約復衆無有遠

圖人幸其沒

庚申夜月犯軒轅左星

辛酉知縣王珣張曉李經戴祐為監察御史祐南京

壬戌東廠發雲南百戶左昇私事詞連署通政司工部尚書

張文質及他官錦衣衛遂併執文質左通政何琮請署印

上始知之立釋獄青錦衣衛指揮使朱驥伏罪宥之奪俸三

月

夜月犯左執法星

癸亥巡撫雲南右都御史王恕改南京參贊機務仍署院事
崔銑曰成化中政理物豐臣無重譴內則宦戚外則閹部
各引私朋真清顯及閹汪直吏李孜省孽威萬氏驟寵又
進退大僚矣惟汪端毅公著節馬公撫雲南乃擠之危公
舉大體略苛細務摧強伸窮雖錢閹亦心仰其治土夷詳
近略遠凡以下用片紙直陳數言事妥詞省滇人傳誦至
今公治經就所行而究多易舊訓嘗言宋諸儒可謂善言
德行矣門人稱尊文之不無過實云
甲子翰林院檢討傅瀚為脩撰

九月初朔江西右布政使李衍為右副都御史巡撫河南

丙寅淮安水溢傷人畜

夜火星犯土星

丁卯許連東中淮浙鹽引各五萬

戊辰禮科右給事中唐章等覈宣府虧餉米豆至十餘萬請
罪先後院糧官及巡撫鄭寧等許之

復改湖廣白河縣隸陝西金州

夜火暈色赤自墓墳流近濁

庚午封恩鐫連卅子膺錄唐年王詮鏡陵川王見淨永豐王

見沂襄邑汪仕燧隰川王詮鍾沁源王

行人楊榮為南京監察御史

免河間夏稅萬一千五百金十餘石

辛未夜月犯建星

壬申詔逐罷閑官吏人等之匿京師者御史許進言其妄訴

請託也

甲戌夜京師地震

乙亥江西南都指揮使劉江坐贓戍邊

丙子詔邊儲三年一覈著為令

鎮守廣西內官黃沁貪虐占靖江王草場見奏沁許王妓飲

及他事遣勘獄上下沁南京法司

錄囚減三十一人戍邊

庚辰傳陞禮部帶俸員外郎梁能為山東右叅議中書舍人

沈達張春沈詮為鴻臚寺丞序班王哲為寺主簿百戶趙洪

為副千戶鎮撫殷慶為百戶匠人汪斌錢洪汪義孫昇鄭宗

顏英文思院副使儒士王軌蔣聲等俱冠帶中書舍人科

南京禮部尚書倪謙致仕

置陝西三水縣析淳化進蘭縣為州

梁頴擢都督阿兒乞蠻等乞糧不允

壬午巡按雲南監察御史甄希賢等劾鎮守太監錢能等及

都指揮方明周佐布政司叅議余醞僉事翁遂等罪都察院

請俟能再劾至自處分許之

癸未夜火星犯上將星

甲申吉注現浹之國張沙

乙酉夜月犯鬼宿

辛卯傳陞錦衣僉事張玘百戶袁林劉俊李墩俱進一級林

俊世襲畫士祝塌朱偉劉節謝昂張匠王剛等俱文思院

副使

日本入貢

十一月丙寅嚴文武乘輜之禁文臣許三品上武臣概不許以太

監汪直言之錦衣千戶吳綬屬草從汪直奏也

丁卯覈遼東屯田

免長沙善化茶陵湘陰醴陵攸縣田租十萬五千八百石有

奇

戊辰吏部右侍郎黃鎬兵部右侍郎馬文升俱為左侍郎

辛未杭州大雷雨曉白虹見

甲戌有赤雲隕山西永和縣俄聲震如砲

乙亥許朝鮮市子角歲五千計

丙子夜月犯畢宿

戊寅荆門州大雷雨

庚辰暹羅入貢

夜火星犯進賢星

辛巳大星色青白自文昌流近濁後二星隨之

壬午大慈恩寺佛子領占竹等求印禮部不可上竟予之

癸未吏部右侍郎耿裕憂去

夜月犯上将星

乙酉石州妖人桑冲伏誅冲詭婦人飾刺繡穢淫良家子亡

美事聞命磔於市

丙戌免真定夏稅麥萬四千一百石有奇

丁亥賜正一嗣教真人張玄慶為正一嗣教保和養素繼祖

守道真人并封母吳氏志順淑靜玄君

己丑都指揮同知崔勝為廣寧中路參將時海西一糾建州

三衛寇駿陽以朝廷遣官伴行禁制不堪也巡撫陳鉞請大

征故有是命

前太常寺卿兼翰林侍讀學士孫賢卒賢字舜卿杞人景泰
甲戌進士第一授翰林脩撰進侍讀天順初改左中允成化
初進太常少卿庚寅進太常寺卿歷侍讀學士逾年請立東
宮且乞休允之邑。不樂年五十四性剛急忌才輕於舉劾
贈禮部左侍郎謚襄敏賜祭塋

庚寅錦衣指揮同知趙能卒

壬辰宣府柴溝馬營葛路堡中河東鹽各十萬引

癸巳鎮守寧夏都督同知范瑾為征西前將軍總兵官鎮守

大同

巡撫右副都御史張璿征松潘等叛夷分道抵其巢斬一千

七十級

十二甲午朔夜金星犯壘壁陣

乙未分府延綏東路都督僉事神英為征西將軍總兵官鎮

守寧夏

申刻金星見

丁酉夜羽犯金星

庚子彰武伯楊信卒信昌平侯洪從子驍勇善騎射捕。累

功洵所鎮撫至都督同知延綏總兵官天順二年西黃梁功

封在邊四十年安靜入樂効用頗好營利贈彰武侯謚威毅
甲辰免順天田租二萬三百餘石
夜火星赤光自翼宿流近濁三小星隨之

乙巳巡撫遼東右副都御史陳鉞請封建州三衛從之
夜月犯司怪星

丙午議減天津等衛秋草免保定隆慶衛次租
丁未賜罕東衛指揮同知綽扇絲幣羊酒以擊土魯番斬六

級
戊申夜月食

庚戌夜月犯靈臺中星

辛亥抄唐事黎淳叅御試錄多駁雜或犯廟諱御名宜申飭
從之

監察御史胡選請教官用會試乙榜罷歲貢監生 上令嚴

歲貢監生之選

四川茂州地震

夜月犯右執法星

壬子夜明犯上相星

丙辰太子少保兼左都御史王越為兵部尚書兼左都御史

蓋自陳紅鹽池之功故尚書白圭抑之越覲本兵而余子俊
從外鎮得之越意快。至是子俊餌之加原俸一級

丁巳免蘇松常鎮夏稅二十三萬一千石有奇

戊午命南京刑部尚書周瑄致仕

己未刑科給事中趙良請太子講學諭俟明年

免兗州夏麥十二萬七千七百餘石

庚申武學訓導張寧言各營都指揮以下曠學兵部議推一

官徃教上命不必推官但月一課之

是年陽江知縣崇仁方嵩陞嵩由太學生天順甲申任

歷十四年極慈惠民奏留之不得

四

五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

程